

# Մ Ե Շ ՅՈՒԲԵԼԵԱՆԸ



## ՄԱՅՐԱՔԱՂԱՔԻՍ ՄԷջ

Ֆէրի-Գիւղի, վերին Բանկալթիի, Նշան-Թաշիի և Շիշլիի հայ հասարակութիւնը պատրաստուած է խիստ շքեղ և մեծածանցէս կերպով տօնել հայ տառերու գիւտին և հայ տպագրութեան յոբելեանը:

Կիրակի առաւօտ հանդիսաւոր պատարագ պիտի մատուցանէ Ամեն. Արշարունի սրբաղան, Ֆէրի-Գիւղի եկեղեցւոյն մէջ:

Իսկ հանդէսի ժողովրդային մասը պիտի կատարուի կէսօրէ վերջ ժամը 2ին (ը. ե.) Թագսիմի թաղապետական պարտէզին մէջ (եթէ օրը անձրեւոտ ըլլայ նոյն պարտէզի գոց թատրոնին մէջ): Մուտքը 2 դրուչ:

Հանդէսին յայտարարը պիտի հրատարակուի ի մօտոյ:

\* Հայ գրերու գիւտին 1500 և Հալ տպագրութեան 400 ամեակի առթիւ վեհ. Կաթողիկոսին զբարառ լեզուով շնորհաւորական ուղերձ մը զրկած է Յակոբ ԼՖ. Բագրատունի. Ասկէ զատ Բագրատունի վարժարանին մէջ ալ պատրաստութիւններ տեսնուած են Մեծ Յոբելեանը տօնելու համար:

\* Կեդրոնական վարժարանի աշակերտութիւնը իր կարգին պատրաստութիւններ տեսած է Մեծ Յոբելեանը տօնելու համար յառաջիկայ հինգշաբթի օր Ղալաթիոյ Սորհրդարանին մէջ: Նոյն օրը պիտի բանախօսէ վարժախանին անօրէն Բրօֆ. Ա. Սաչատուրեան, Երգեր, մեներգներ, ևւն.: